



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Ottoni In Romanorum Imperatorem electo.

urn:nbn:de:hbz:466:1-20006

niam proculdubio tibi magis credimus expedire ut rei finem præveniens, non expectans, nunc, antequam invalescat in toto, quasi ex discretionis proposito satagis id efficere quādem, cūm invalidisset omnino, in necessitatibus articulo forsan idem cogeretis implere. Credimus enim quod erga te taliter se habebit quod merito sibi poteris esse devotus, & nos, à quorum sanis consiliis deviaturus ipse non creditur, ad tuī dilectionem eum efficaciter inducemus. Datum Laterani Non. Decembri &c. *ut suprā.*

CAMERACENSI EPISCOPO.

Epist. 172.

Litteras tuas plenas exultationis & gaudij paterna benignitate recepimus, per quas de promotione quinimmo quasi de confirmatione monach. sancti Pantaleon. ad tri illustris Regis Octonis in Romanorum Imperatorem electi, non solum desiderata nobis verū etiam insperata gaudia nuntiasti; illud in majori exultatione duentes quod, sicut per easdem litteras intelleximus, idem Rex in virtute quasi alterum immutatus, in justificationibus Domini magis solito delectatur. Sperantes igitur quod gratia nostræ non ingratis existas, quam circa te sinceram existere multis experientias cognoscere potuisti, & quod præfatus Rex inter præciosos honoris sui fautores habere te deceat principale, fraternalitatem tuam monemus attenius & hortamur, per apostolica tibi scripta mandantes quatenus circa latus ejus studio sedulæ recordationis & exhortationis insitas ut in legem Domini suam dirigens voluntatem, ac in ea nocte dieque meditans, cultui divino se sedulum, apostolicæ sedi devoutum, & respicientium se quieti gerere procureret intentum; ita quod sollicitudo tua claret in effectu, & nos eam dignis in Domino valeamus laudibus commendare. Datum Laterani Non. Decembri &c. *ut suprā.*

MAGDEBURGENSI ARCHIEPISCOPO.

Epist. 173.

Litteras tuas plenas exultationis & gaudij paterna benignitate recepimus, per quas de promotione quinimmo quasi consummatione promotionis carissimi in Christo filii nostri illustris Regis Octonis in Romanorum Imperatorem electi non solum desiderata nobis verū etiam insperata gaudia nuntiasti. Sperantes igitur quod gratia nostræ non ingratis existas *ut in alia usque* laudibus commendare, gratum & acceptum gerentes quod pro sedis apostolica reverentia eidem Regi ceteris factus prævious adhaeristi. Datum Laterani &c. *ut in alia.*

*In eundem modum magistro Gerlando usque cognoscere potuisti, devotionem tuam monemus attenius & hortamur, per apostolica tibi scripta mandantes quatenus &c. *ut in alia usque* commendare. Datum &c. *ut suprā in alia.**

MAGISTRO HENRICO SCOLASTICO
*santi Geronis.**Epist. 174.*

Recepimus litteras plenas exultationis & gaudij, per quas de promotione quinimmo &c. *sicut in prima usque* non solum desiderata nobis verū etiam insperata sunt gaudia

nuntiata. Sperantes igitur quod &c. *sicut in prima usque* laudibus commendare. Datum Laterani &c. *ut suprā in aliis.*

NOBILI VIRO DVCI AVSTRIÆ.

Epist. 175.

Nvntium & litteras tuas paterna benignitate recepimus; & cūm inter alios Principes personam tuam sincera diligamus in Domino caritate, petitionem tuam, in quantum honestas potuit gratia præstare favorem, curavimus exaudire. Tu ergo litteris quas super episcopatus * negotio destinamus utaris, si videlicet expedire. Alioquin cūl pro causis imperij Legatos ad partes illas mittere disponamus, dummodo status ejus taliter, sicut credimus, dirigatur quod eos oporteat destinari, si à te fuerit postulatum, executionem eis prælibati negotij committemus, quemadmodum aliis qui dudum ob statum retum in morte Principis immutatum de arrepto legationis itinere recesserunt meminimus commisisse. Ceterū super eo quod nobis de negotio imperij tam per litteras quam nuntium intimasti, hoc tibi duximus respondendum, de corde puro, conscientia bona, & fide non ficta tue prudentia consulentes quatenus cūm carissimus in Christo filius noster illustris Rex Otto in Romanorum Imperatorem electus magnificè procedere jam incepit, potenter ei faveas & patenter; quia proculdubio tibi magis credimus expedire ut rei finem præveniens &c. *ut suprā epist. cclxxxi. usque* inducemus. Præterea memoratum nuntium latorem præsentium dilectum filium clericum tuum nobilitati tuae propensius commendamus; qui, quantum in ipso fuit, nihil omisit de contingentibus super iis quæ apud nos ei commiseras promovenda, quinimmo ad promotionem eorum fidelier institit & prudenter. Datum Laterani, *ut suprā* anno undecimo.

ILLVSTI REGI BOEMIAE.

Epist. 176.

Super eo quod à nobis de negotio imperij per tuum nuntium & litteras requisisti, serenitati tue hoc duximus respondendum, de corde puro, conscientia bona, & fide non ficta confilium tibi dantes quatenus cūm carissimus in Christo filius noster illustris Rex Otto in Romanorum Imperatorem electus magnificè jam procedat, potenter ei faveas & patenter; quia proculdubio &c. *ut in alia usque* cogeris implere; præsertim cūm adhuc ex juramento sibi præstito tenearis. Credimus enim quod erga te &c. *ut suprā* inducemus. Datum Laterani 11. Idus Decembri, pontificatus nostri anno undecimo.

ILLVSTRI REGI OTTONI IN
*Romanorum Imperatorem electo.**Epist. 177.*

IVCUNDUS tuorum nuntiorum adventus ita nos est in ea qua tenebamur ægritudinis molestia consolatus ut ex gratis rumoribus quos de tuis successibus tulerunt quadam medicinali virtute nos fecerit de languoris doloribus in sanitatis gaudia respirare. Licet autem super negotiis pro quibus latores præsentium, viros utique providos & fideles, ad nostram præsentiam destinasti confueverint secundum morem

antiquum, maximè pro petitione imperialis coronæ, magni Principes ad sedem apostolicam destinari, quia tamen hoc fuit magis in modum consultationis quam petitionis propositum, & quod nondum est factum adhuc poterit fieri, nos, qui, ut tuo deferre possimus honori, hoc æquanimiter ferimus ex gratia speciali, auditis & intellectis petitionibus quas iudeum nuntijs tuo nobis nomine porrexerunt, super eam aliquibus literas fierimox præcepimus sicut novimus expedire, ac per Legatos nostros, quos ad tuam regalem præsentiam è vestigio destinamus, gratum responsum tibi cum Deo tam super negotio matrimonij quam etiam super aliis impendemus, cùm eos & ob hoc inter cetera specialiter providerimus destinandos ut ad negotijs tui robur ipsi, qui vice nostra fungentur, circa singula qua contingent auxilium tibi conferant opportunum, & ex eorum adventu honorificentia tibi major accrescat. Adeo namque tuum zelam honorem ut honori nostro reputemus accrescere quicquid per nos tuo regali ac crescit honori, firmam gerentes de tua serenitate fiduciam quod idipsum de nobis zelanter affectes. Datum Laterani Non. Ianuarij, pontificatus nostri anno undecimo.

E I D E M.

Epist. 178.

Cum olim ex officijs nostri debito de pace in imperio reformanda sollicitudo nos indecessa pulsaret, de cuius scissura ipsi non tantum imperio, verum etiam orbi penè toti grave periculum imminebat, consilium nobis incidit ut per Legatos nostros de matrimonio contrahendo inter te ac inclit recordationis Philippi Ducis Suevæ primogenitum tractaretur. Postmodum autem eodem Duce à filio Belial nequiter interfecito, cùm adhuc de scissurâ periculo non minus quam antea timeretur, tibi nostras litteras destinavimus ut ad confirmationem hujusmodi matrimonij securè procederes, si tibi cognosceres expedire. Interim autem cùm jam Domino imperante ventis & mari tranquillitas redire cœpisset, & redeuntibus ad cor mult's ac tibi fidelerit adhærentibus, de pace spes firmiter haberetur, per tuas à nobis litteras postulasti ut cùm inter te & memoratae pueram linea consanguinitatis existeret, super vestro dispensare conjugio dignaremur. Cui nos meminimus respondisse quod licet necessitas dispensandi jam ex magna parte cessasset, super hoc tamen vicem nostram nostris eramus commissari Legatis, quos pro causis Ecclesiæ ac imperii disponebamus ad tuam præsentiam in proximo delinicare. Quia igitur super dispensatione matrimonij prælibati, quod diceris jam juraesse, nobis iterum cum multa instantia supplicasti, forsitan prudenter intelligens per premissum consilium, in quo nulla de consanguinitatis linea mentio habebatur, non esse super consanguinitatis linea dispensatum, sed hoc tibi confutum ut ad matrimonij consummationem procederes legitimè quidem, dispensatione videlicet præobtenta, ut sic & quantum ad conscientiam & quantum etiam ad Ecclesiæ matrimonium ipsum legitimum haberetur, venerabili fratri nostro Hugolino Ostiensi Episcopo & dilecto

Vide supra
epist. 153.

filio Leoni tituli sanctæ crucis Presbytero Cardinali apostolicæ sedis Legatis dedimus in praceptis quatenus inquisita & cognita veritate, si urgens necessitas & evidens utilitas pro pace in imperio reformanda hujusmodi matrimonium contrahi postularint, ipsi auctoritate nostra suffulti super illo contrahendo dispensent. Nos autem quod ab eis super hoc providè factum fuerit ratum habebimus, & decernimus illud inviolabiliter observandum. Datum Laterani x v. Kal. Februarij &c. ut in alia.

E I D E M.

Epist. 179.

Benedictus Deus, qui per suam misericordiam ineffabilem nostrum circa te desiderium ex majori parte complevit, & sicut pro certo confidimus, non cessabit omnino donec adimpleat illud ex toto ad laudem & gloriam nominis sui, ad honorem & profectum tam Ecclesiæ quam imperij ac totius populi Christiani: quia, sicut veraciter intelleximus, cum secularis virtutis augmento, incrementum quoque spiritualis virtutis mirabiliter suscepisti; ut de te voce dominica gloriari possimus quod invenimus virum secundum cor nostrum. Ecce, fili carissime, sic anima nostra conglutinata est anima tua, sicut cor tuum compaginatum est cordi nostro, ut idem per omnia velle ac sentire credamus, quasi cor unum & anima una; ex quo quanta speretur utilitas proventura, nec calamus sufficit scribere, nec lingua referre, nec etiam animus cogitare. Nobis enim duabus regimen hujus seculi principaliter est commissum: qui si unanimis fuerimus & concordes in bono, profecto, sicut Propheta testatur, sol & luna in ordine suo stabunt, eruntque prava in directa & aspera sicut plana, cùm nobis duabus favente Domino nihil obsistere vel resistere possit, habentibus duos gladios, de quibus Apostoli dixerunt ad Dominum, *Ecce gladii duo hic*, & de quibus Dominus respondit Apostolis: *satis est*. quia nimur pontificalis auctoritas & regalis potestas, ambæ videlicet in nobis suprema, quæ per illos duos gladios designantur, plenæ sibi sufficiunt ad suum officium feliciter exequendum, si utraque pars per reliquam fuerit potenter adjuta. Evidem sic expedit & oportet ut utraque per reliquam efficaciter adjuvetur, quatenus status mundi, qui superabundante malitia quasi versus est in ruinam, per nostræ sollicitudinis studium restauretur, refecatis vitiis, & virtutibus propagatis. Vnde iugi nobis est vigilantia providendum ne inimicus homo possit inter nos supersemnare zizania, dissensionis scandalum vel suspicionis scrupulum ingerendo; quoniam ad hoc malum nequiter operandum multi proculdubio sunt parati, omnes videlicet qui mala vellent impune committere, quicque desiderant in aqua turbata pescari; à quibus autem tuam prorsus avertas. Pullulante namque discordia inter regnum & sacerdotium, utrumque pariter propter reliquum dissimulabat & sustinebat insolentiam malignorum; quibus concinnantibus dolum & acutibus linguas ad malum, dissensionis materia suscipiebat jugiter incrementum in grande rerum dispendium & grave periculum anima-

D D d d i i